



Broj:
Datum:

Na osnovu člana 15. Zakona o zaštiti prava pripadnika nacionalnih manjina u Federaciji Bosne i Hercegovine („Službene novine Federacije Bosne i Hercegovine“, broj: 56/08), člana 15. stav (1) alineja 18. Zakona o principima lokalne samouprave („Službene novine Federacije Bosne i Hercegovine“, broj: 49/06 i 51/09) i člana 25. stav (1) tačka 26. Statuta Općine Zavidovići („Službeni glasnik Općine Zavidovići“, broj: 5/2008 i 5/a/2008), Općinsko vijeće Zavidovići, na __. sjednici od __.03.2019. godine donosi

ODLUKU

o usvajanju Akcionog plana Općine Zavidovići za unapređenje položaja Roma u oblastima obrazovanja, socijalne i zdravstvene zaštite, zapošljavanja, stambenog zbrinjavanja i kulture za period 2019.-2023. godine

Član 1.

Usvaja se Akcioni plan Općine Zavidovići za unapređenje položaja Roma u oblastima obrazovanja, socijalne i zdravstvene zaštite, zapošljavanja, stambenog zbrinjavanja i kulture 2019.-2023. godine.

Član 2.

Akcioni plan Općine Zavidovići za unapređenje položaja Roma u oblastima obrazovanja, socijalne i zdravstvene zaštite, zapošljavanja, stambenog zbrinjavanja i kulture 2019.-2023. godine čini sastavni dio Odluke.

Član 3.

Ova Odluka stupa na snagu prvog narednog dana od dana objavljivanja u "Službenom glasniku Općine Zavidovići".

**PREDSJEDAVAJUĆI
OPĆINSKOG VIJEĆA**

Redžo Seferović

OBRAZLOŽENJE

PRAVNBI OSNOV ZA DONOŠENJE ODLUKE

U članu 15. Zakona o zaštiti prava pripadnika nacionalnih manjina u Federaciji Bosne i Hercegovine ("Službene novine Federacije Bosne i Hercegovine", broj: 56/08) propisano je: "Nadležne vlasti Federacije, kantona, grada i općina svojim propisima utvrdit će stimulatívne mjere za zapošljavanje i veće kvote za zapošljavanje pripadnika nacionalnih manjina, te preduzimati i druge odgovarajuće mjere za postizanje brže i potpunije ravnopravnosti pripadnika nacionalnih manjina".

U članu 15. stav (1) alineja 18. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09) propisano je: „Vijeće u okviru svoje nadležnosti obavlja i druge poslove utvrđene zakonom i statutom“.

U članu 25. stav (1) tačka 26. Statuta Općine Zavidovići („Službeni glasnik Općine Zavidovići“, broj: 5/2008, 5a/2008) određeno je da: „Općinsko vijeće u okviru svoje nadležnosti donosi pojedinačne i druge akte iz samoupravnog djelokruga u skladu sa zakonom i ovim Statutom“.

RAZLOZI DONOŠENJA ODLUKE

Služba za upravu društvenih djelatnosti i opću upravu Općine Zavidovići i Općinsko vijeće Zavidovići su svojim Programima rada za 2018. godinu planirali izradu gore navedenog Akcionog plana.

Na području općine Zavidovići živi značajan broj pripadnika Romske nacionalne manjine. U cilju postizanja efikasnijeg rada Općinskih službi i drugih subjekata na unapređenju položaja Roma u oblasti obrazovanja, socijalne i zdravstvene zaštite, zapošljavanja i stambenog zbrinjavanja, utvrđena je potreba izrade Akcionog plan Općine Zavidovići za unapređenje položaja Roma u navedenim oblastima za period 2019.-2023. godina.

Osim toga, Akcioni plan može poslužiti za bolje planiranje općinskog budžeta i pribavljanje dodatnih sredstava za potrebe realizacije inkluzivnih programa i planova, te za bolju pripremljenost Općine za privlačenje i korištenje fondova Evropske unije.

Primarni cilj ovog Akcionog plana jeste da doprinese unapređenju ukupnog položaja romske populacije kroz poboljšanje kvaliteta i uslova života te da podstakne bolje uključenje (integraciju) romske populacije u lokalnu zajednicu uz očuvanje kulture i tradicije Roma.

Tokom procesa pripreme i procedura izrade ovog Akcionog plana, posebna pomoć i podrška pružena je od strane misijom OSCE-a u Bosne i Hercegovine - regionalni ured Travnik. Nadležna služba je podržana i kroz pomoć i saradnju sa Udruženjem "Kali Sara" - Romski informativni centar iz Sarajeva, MUP-om Zeničko-dobojskog kantona P.S. Zavidovići, Javnim ustanovama: "Centar za socijalni rad" Zavidovići, "Gradski dječiji vrtić" Zavidovići, "Dom zdravlja" Zavidovići, JKP "Radnik", Ministarstvom za obrazovanje, nauku, kulturu i sport Zeničko-dobojskog kantona, osnovnim i srednjim školama općine Zavidovići i predsjedavajućim Općinskog vijeća Zavidovići.

FINANSIJSKA SREDSTVA POTREBNA ZA PROVOĐENJE ODLUKE

Za provođenje Akcionog plana, u dijelu Budžeta "Izdaci", potrebno je tokom 5 godina planirati sredstva u ukupnom iznosu od oko 158.000,00 KM u okviru postojećih transfera.

Za realizaciju ciljeva Akcionog plana u 2019. godini nije potrebno posebno planirati sredstva jer se isti mogu realizovati u okviru postojećih transfera.

PO OVLAŠTENJU OPĆINSKOG
NAČELNIKA, broj: 02-05-4/17-AP-73
od 03.10.2017. godine
SEKRETAR OPĆINSKOG
ORGANA DRŽAVNE SLUŽBE
Nermin Čahtarević, dipl. pravnik

Obradio: _____
(Muamer Hrvić)

Kontrolisao: _____
(Idriz Alihodžić)